

A *rubá***A** *ntaño*

E dump di Aruba



Den nos Aruba Antaño di awe nos grafico ta ilustra algo cu na primera vista por ta un rompecabeza pa nos lectornan. Pero esaki no ta un cero cu a parti den dos, ni tampoco e laman corrá cu a habri den e pelicula The Ten Commandments.

Pa bo no tin mester di kibra cabez mucho mas, nos ta informabo cu esaki ta nos dom, nos caminda di tira sushi y un parti di nos sistema ambiental, si bo kier referi asina.

Den nos Aruba Antaño nos a conoce varios sitio caminda sushi tabata ser tirá, aunke ta tristo pa menciona cu awendia hopi di nos mes hendenan ta tirando esaki unda cu ta y nomas pa flohedad. Nos grafico ta dunabo un idea cuanto susedad ta acumulando riba nos suelo, y unda cu tur dia tin hende ta busca den e peligrosidad aki pa nan salud y salud di otro.

Caminda awe nos tin Bestuurskantoor, tabata un di e principal lugarnan pa tira sushi. Si tempo cu nan a construi e edificio aki y si nan a puntra, anto nan lo no a topa cu tanto bleki y botter bashi ora cu nan a cuminsa coba e fundeshi. Un otro cu tabatin ta na porta di Eagle, y sin conta tanto mas cu tin te awor y cu lo sigui tin si medida serio no ser tuma. Un tempo hasta nan tabata usa caminda Wilhelmina Park ta situa; Heintje Croes cu awendia yama Mont Plaisir; patras di e landmark cu yama Hooiberg; otro na SanNicolas cu ta smal, y cu e taxinan tabata corre cu nan cama di abao, pa tira sushi anochi.

Den nos Aruba Antaño nos ta repleto di e recuerdonan tanto agradable como desagradable pa ser menciona. Keda pendiente ya cu nos archivo si a conserva e balornan di nos dushi suelo.